



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **30-1174-16/25**

Sarajevo, 09.10.2025. godine

Int. br. nabavke: **30-281-38/25**

Na osnovu člana 70. Zakona o javnim nabavkama ("Službeni glasnik BiH", broj 39/14, 59/22 i 50/24) i Preporuke iz Zapisnika broj: 30-1174-15/25 od 09.10.2025. godine, uz primjenu **otvorenog postupka**, donosim

ODLUKU

o izboru najpovoljnijeg ponuđača za javnu nabavku usluga

"Glavni projekat izrade pragova u koritu rijeke Usore u cilju poboljšanja vodosnabdjevanja Općine Tešanj."

Obavještenje o nabavci br.: 1132-1-2-54-3-53/25

Član 1.

Kao najpovoljniji ponuđač za javnu nabavku usluga **"Glavni projekat izrade pragova u koritu rijeke Usore u cilju poboljšanja vodosnabdjevanja Općine Tešanj"** bira se ponuđač **HIGRACON d.o.o. Sarajevo**, ul. Hiseta broj 3, registrovan kod Općinskog suda u Sarajevu, MBS: 65-01-0677-09, JIB:4201445300004, za ponuđenu cijenu **8.500,00 KM bez PDV-a**, odnosno **9.945,00 KM sa PDV-om**.

Član 2.

Ponuđaču **HIGRACON d.o.o. Sarajevo** će se dodjeliti prijedlog ugovora za javnu nabavku iz člana 1. ove Odluke nakon što svi ponuđači budu obaviješteni o izboru najpovoljnije ponude.

Član 3.

Za izvršenje ove odluke zadužuje se **Sektor za realizaciju projekata** Agencije za vodno područje rijeke Save, Sarajevo.

Član 4.

Sredstva za zaključenje ovog ugovora će se koristiti iz Plana i Finansijskog plana Agencije za 2025. godinu, ekonomski kod 614819321, stavka Plana C.2.1.

Član 5.

Ova odluka će se objaviti na web-stranici www.voda.ba, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 30- 1174-3/25 od 27.08.2025. godine. Javna nabavka je provedena putem otvorenog postupka. Procijenjena vrijednost nabavke bez PDV-a je 21.360,00 KM. Obavještenje o nabavci broj: 1132- 1-2-54-3-53/25 je poslato na objavu i objavljeno na portalu javnih nabavki dana 27.08.2025. godine.

Sa web portala "e-Nabavke" www.ejn.gov.ba tendersku dokumentaciju su preuzeli sljedeći ponuđači:

1. PERVAN BAU D.O.O.
2. GRAĐEVINSKI INSTITUT "GIBL" D.O.O. BANJA LUKA
3. UNIS INSTITUT ZA EKOLOGIJU, ZAŠTITU NA RADU I ZAŠTITU OD POŽARA D.O.O. ISTOČNO SARAJEVO-PALE
4. "SMAJIĆ-INŽENJERING" DOO
5. BBS EUROPE
6. EKAPIJA DOO
7. ROUTING D.O.O.
8. TENDERI DOO
9. HIGRACON
10. MRKONJIĆ PUTEVI
11. URBIS CENTAR
12. INK CONSTRUCTOR, DOO BANJA LUKA
13. IPSA INSTITUT D.O.O. SARAJEVO
14. INSTITUT ZA HIDROTEHNIKU D.D. SARAJEVO
15. HKP CONSULTING
16. PROJEKT AD
17. INPROS
18. INSTITUT ZA GRAĐEVINARSTVO "IG" BANJA LUKA
19. ZAVOD ZA VODOPRIVREDU D.D. SARAJEVO
20. TQM D.O.O. INSTITUT ZA KVALITET, STANDARDIZACIJU I EKOLOGIJU
21. TRASA DOO SARAJEVO
22. JAVNO PREDUZEĆE ZA VODOPRIVREDNU DJELATNOST "SPREČA" D.D. TUZLA

Komisija za nabavku imenovana je Rješenjem broj: 30-1174-5/25 od 27.08.2025. godine. Komisija za javnu nabavku je blagovremeno i pravilno izvršila otvaranje ponuda i ocjenu pristiglih ponuda, o čemu je sačinila zapisnik o otvaranju ponuda i zapisnik o pregledu i ocjeni ponuda, u kojima je utvrđeno sljedeće:

- Da je ukupan broj preuzimanja tenderske dokumentacije 22 (slovima: dvadeset dva)
- Da je ukupan broj pristiglih ponuda 5 (slovima: pet)
- Da je ukupan broj blagovremeno zaprimljenih ponuda 5 (slovima: pet)
- Da nema neblagovremeno zaprimljenih ponuda
- Da su ponude 3 (slovima: tri) ponuđača prihvatljive
- Da su 2 (slovima: dvije) ponude ocijenjene kao neprihvatljive.

U postupku donošenja ove odluke, Komisija je pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije. Komisija smatra da su 3 (tri) ponude prihvatljive.

Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:

Ponuda ponuđača "Građevinski institut" d.o.o. Banja Luka ne ispunjava formalno-pravne uslove tražene TD. Tačkom 5.4.1. b) TD je jasno zahtjevano od ponuđača da na raspolaganju imaju tehnička lica koja su uključena u izvršenje usluga (ne moraju biti stalno zaposlena kod ponuđača nego mogu biti angažovana po drugom osnovu, npr. ugovor o djelu), u skladu sa slijedećim kriterijima: - Odgovorni projektant (u smislu Uredbe o uređenju gradilišta, obaveznoj dokumentacijina gradilištu i sudionicima u građenju "Službene novine Federacije BiH" br. 25a/22, 42/22, 93/22 i 33/24) – diplomirani inženjer građevine (ili završen II ciklus studija sa minimalno osvojenih 240 ETCS bodova) hidrotehničkog ili općeg smjera sa položenim stručnim ispitom iz oblasti hidrotehnike i najmanje 10 godina radnog iskustva na poslovima iz oblasti hidrotehnike kao projektant ili revident, od kojih je iz minimalno 3 godine iz oblasti riječne hidrotehnike, na poziciji odgovornog projektanta ili revidenta.

Tačkom 5.4.2. b) TD su kao dokazi propisani: Lista referentnih poslova (Aneks 6) kojima se dokazuje 10 godina radnog iskustva na poslovima iz oblasti hidrotehnike kao projektant ili revident, od kojih je iz minimalno 3 godine iz oblasti riječne hidrotehnike, na poziciji odgovornog projektanta ili revidenta (navesti minimalno 1 posao iz oblasti hidrotehnike iz 10 različitih kalendarskih godina, od kojih je minimalno 3 godine iz oblasti riječne hidrotehnike, na poziciji odgovornog projektanta ili revidenta), kopiju diplome kojom se dokazuje da je ključno lice diplomirani inženjer građevine hidrotehničkog ili općeg smjera, kopiju dokumenta kojim se dokazuje polaganje stručnog ispita iz oblasti hidrotehnike (kopija uvjerenja, potvrde ili sl.). Ponuđač "Građevinski institut" d.o.o. Banja Luka je u svojoj Ponudi (strana 67-72 Ponude) dostavio Listu referentnih poslova za ključno osoblje-Aneks 6, koja prema mišljenju Komisije za javne nabavke AVP Sava nije popunjena na ispravan način.

Naime, dana 08.09.2025. godine ponuđač "Ipsa institut" d.o.o. Sarajevo je, putem Portala JN (www.ejn.gov.ba) postavio pitanje "Da li se u LISTI REFERENTNIH POSLOVA ZA KLJUČNO OSOBLJE -ANEKS 6, u koloni 4 pod "Naziv privrednog subjekta na referentnom poslu" misli na ugovorni organ za koji je vršena usluga ili privredni subjekt kod kojeg je inženjer bio zaposlen". Odgovor koji je od AVP Sava dostavljen svim ponuđačima u postupku putem Portala JN glasio je: "U listi referentnih poslova za ključno osoblje - ANEKS 6, u koloni 4, pod "naziv privrednog subjekta na referentnom poslu" misli se na privredni subjekt kod kojeg je inženjer bio zaposlen pri obavljanju referentnog posla".

Ponuđač "Građevinski institut" d.o.o. Banja Luka je u svojoj Ponudi (strana 67-72 Ponude) rubriku 4-Naziv privrednog subjekta na referentnom poslu za Huseina Đulića-diplomiranog inženjera građevine, ispunio na pogrešan način i u suprotnosti sa pojašnjenjem koje je dato kroz odgovor ponuđaču "Ipsa institut" d.o.o. Sarajevo. Umjesto jasno propisanih podataka, ponuđač je u kolonu 4 upisivao naziv institucija/pravnih lica za koji je vršena usluga.

Zbog prethodno navedenog, a u skladu sa odredbom člana 2. stav I alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

Ponuda ponuđača "Zavod za vodoprivredu" d.d. Sarajevo ne ispunjava formalno-pravne uslove tražene TD. Tačkom 5.4.1. b) TD je jasno zahtjevano od ponuđača da na raspolaganju imaju tehnička lica koja su uključena u izvršenje usluga (ne moraju biti stalno zaposlena kod ponuđača nego mogu biti angažovana po drugom osnovu, npr. ugovor o djelu), u skladu sa slijedećim kriterijima: - Odgovorni projektant (u smislu Uredbe o uređenju gradilišta, obaveznoj dokumentacijina gradilištu i sudionicima u građenju "Službene novine Federacije BiH" br. 25a/22, 42/22, 93/22 i 33/24) – diplomirani inženjer građevine (ili završen II ciklus studija sa minimalno osvojenih 240 ETCS bodova) hidrotehničkog ili općeg smjera sa položenim stručnim ispitom iz oblasti hidrotehnike i najmanje 10 godina radnog iskustva na poslovima iz oblasti hidrotehnike kao projektant ili revident, od kojih je minimalno 3 godine iz oblasti riječne hidrotehnike, na poziciji odgovornog projektanta ili revidenta.

Tačkom 5.4.2. b) TD su kao dokazi propisani: Lista referentnih poslova (Aneks 6) kojima se dokazuje 10 godina radnog iskustva na poslovima iz oblasti hidrotehnike kao projektant ili revident, od kojih je iz minimalno 3 godine iz oblasti riječne hidrotehnike, na poziciji odgovornog projektanta ili revidenta (navesti minimalno 1 posao iz oblasti hidrotehnike iz 10 različitih kalendarskih godina, od kojih je iz minimalno 3 godine iz oblasti riječne hidrotehnike, na poziciji odgovornog projektanta ili revidenta), kopiju diplome kojom se dokazuje da je ključno lice diplomirani inženjer građevine hidrotehničkog ili općeg smjera, kopiju dokumenta kojim se

dokazuje polaganje stručnog ispita iz oblasti hidrotehnike (kopija uvjerenja, potvrde ili sl.).

Ponuđač "Zavod za vodoprivredu" d.d. Sarajevo je u svojoj Ponudi (strana 36-40 Ponude) dostavio Listu referentnih poslova za ključno osoblje-Aneks 6, koja prema mišljenju Komisije za javne nabavke AVP Sava nije popunjena na ispravan način.

Naime, dana 08.09.2025. godine ponuđač "Ipsa institut" d.o.o. Sarajevo je, putem Portala JN (www.ejn.gov.ba) postavio pitanje "Da li se u LISTI REFERENTNIH POSLOVA ZA KLJUČNO OSOBLJE -ANEKS 6, u koloni 4 pod "Naziv privrednog subjekta na referentnom poslu" misli na ugovorni organ za koji je vršena usluga ili privredni subjekt kod kojeg je inženjer bio zaposlen". Odgovor koji je od AVP Sava dostavljen svim ponuđačima u postupku putem Portala JN glasio je: "U listi referentnih poslova za ključno osoblje - ANEKS 6, u koloni 4, pod "naziv privrednog subjekta na referentnom poslu" misli se na privredni subjekt kod kojeg je inženjer bio zaposlen pri obavljanju referentnog posla".

Ponuđač "Zavod za vodoprivredu" d.d. Sarajevo je u svojoj Ponudi (strana 36-40 Ponude) rubriku 4-Naziv privrednog subjekta na referentnom poslu za Almu Bibović-diplomiranog inženjera građevine, ispunio na pogrešan način i u suprotnosti sa pojašnjenjem koje je dato kroz odgovor ponuđaču "Ipsa institut" d.o.o. Sarajevo. Umjesto jasno propisanih podataka, ponuđač je u kolonu 4 upisivao naziv institucija/pravnih lica za koji je vršena usluga.

Također, ponuđač je svojevrijem u Aneksu 6 izmijenio naziv kolone 4 koja umjesto zahtjeva iz TD (Naziv privrednog subjekta na referentnom poslu) u ponudi ponuđača "Zavod za vodoprivredu" d.d. Sarajevo glasi "Naziv privrednog subjekta kod kojeg je bio angažovan".

Zbog prethodno navedenog, a u skladu sa odredbom člana 2. stav 1 alineja 3. i člana 68. stav 4. alineja i) Zakona o javnim nabavkama BiH ("Službeni glasnik BiH", broj 39/14, 59/22 i 50/24) predmetna ponuda je nepravilna i kao takva nije prihvatljiva za ugovorni organ.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, neosporno je da je izabrani ponuđač najbolje ocijenjen zbog najniže cijene, kako slijedi:

R. broj	PONUĐAČ	Cijena na (javnom) otvaranju KM (bez PDV-a)
1	HIGRACON d.o.o. Sarajevo	8.500,00
2	IPSA INSTITUT d.o.o. Sarajevo	17.500,00
3	INSTITUT ZA GRAĐEVINARSTVO IG d.o.o. Banjaluka	17.999,00

Na osnovu navedenog odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 750,00 KM (član 108. stav (1) tačka a) Zakona o javnim nabavkama).

- Akt izradio: Mirza Česton

- Akt kontrolisao: Hadžalić Aldin

Dostaviti:

- Ponuđačima
- Sektor za ekonomske i pravne poslove
- Sektor za realizaciju projekata
- a/a



dr. sc. Senad Memić